

Na osnovu člana 50. Pravilnika o bližim uvjetima u pogledu prostora, opreme i kadra, kriterijuma za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije (Sl.novine FBiH 62/12), te člana 56. Zakona o zdravstvenoj zaštiti (Sl.novine FBiH 46/10) Stručno vijeće Zavoda za javno zdravstvo SBK/KSB na dana 20.06.2012. donosi akt:

Bliži kriteriji za izdavanje mišljenja, način i postupak izdavanja mišljenja o opravdanosti osnivanja apoteke kao javne zdravstvene ustanove

Opšte odredbe

Član 1.

Ovim aktom uređuju se bliži kriteriji za izdavanje mišljenja, način i postupak izdavanja mišljenja o opravdanosti osnivanja apoteke kao javne zdravstvene ustanove.

Tijela nadležna za izdavanje mišljenja

Član 2.

Služba za socijalnu medicinu sa organizacijom zdravstva i zdravstvenu informatiku izdaje stručno mišljenje u slučaju osnivanja apoteke kao javno-zdravstvene ustanove.

Postupak

Član 3.

Zahtjev se podnosi u pisanom obliku, i mora sadržavati:

- Ime i prezime osnivača
- Broj odobrenja za samostalan rad, odnosno uredno regulisan članski status u Komori
- Adresu osnivača
- Naziv zdravstvene ustanove
- Mjesto i adresu zdravstvene ustanove
- Djelatnosti zdravstvene ustanove
- Kratak opis djelatnosti apoteke (zdravstvena ustanova, ogranak apoteke, depo apoteka, bolnička apoteka, galenski laboratorij).

Član 4.

U postupku donošenja mišljenja iz člana 1. ovog akta, nadležna Služba može, ako ocijeni potrebnim, zatražiti od osnivača da dostavi dodatnu dokumentaciju vezanu uz postupak osnivanja, pored dokumentacije navedene u prethodnom članu.

Podnositelj zahtjeva dužan je isti dostaviti Službi na davanje mišljenja prije traženja odobrenja za rad od nadležnog Ministarstva zdravstva.

Član 5.

Služba je dužna donijeti mišljenje najkasnije u roku od 60 dana od dana primanja urednog zahtjeva u smislu odredbe člana 3. i člana 4 ovog akta.

Način davanja mišljenja o opravdanosti osnivanja, proširenju ili promjeni djelatnosti te promjeni sjedišta

Član 6.

U postupku donošenja mišljenja o opravdanosti zahtjeva koji se odnosi na osnivanja apoteke Služba se u postupku davanja mišljenja koristi stručnim principima o organizaciji i ekonomici zdravstva, odnosno rukovodi se slijedećim kriterijima:

- gravitirajući broj stanovnika i zdravstveno osiguranih osoba
- demografske karakteristike stanovnika (dob, spol)
- karakteristike pojedinih područja
- postojeći obim zastupljenosti djelatnosti za koju je zahtjev podnesen

Prelazne odredbe

Član 7.

Akt će biti objavljen na web stranici Zavoda za javno zdravstvo.

Travnik, 23.06.2012.

Direktor :

Doc.dr. Sead Karakaš